



REPUBLIKA E KOSOVËS / REPUBLIKA KOSOVA

GJYKATA THEMELORE PEJË

Numri i lëndës: 2022:020226
Datë: 04.05.2022
Numri i dokumentit: 02974165

PKR.nr.18/22

NË EMËR TË POPULLIT

GJYKATA THEMELORE NË PEJË-Departamenti për krimet e rënda, me Kryetarin e trupit gjyqes Shaqë Curri, me pjesëmarrjen e bashkëpunëtores profesionale Selvane Bukleta, në çështjen penale ndaj të pandehurit M.H për shkak të veprës penale mbajtje në pronësi, kontroll, apo posedim i paautorizuar i armëve nga neni 366 par.1 të KPRK-së, sipas aktakuzës së Prokurorisë Themelore në Pejë-Departamenti për Krime të Rënda PP/I.nr.27/22, të dt. 02.02.2022, pas mbajtjes së seancës publike te shqyrimit fillestar me datë 15.04.2022, në prezencë të Prokurorit të shtetit A.G dhe të pandehurit M.H në të njëjtën ditë bie dhe shpall publikisht, ndërsa me dt.04.05.2022, përpiloj këtë merr këtë:

A K T G J Y K I M

I pandehuri

M.H., i biri i M dhe nënës S, e gjinisë T, i lindur me dt. ..., në fsh. P, K. Deçan, ku edhe banon në rr. "R", p.nr., me lnj.nr...., me profesion-punëtor sigurimi, i martuar, baba i 2 fëmijëve, posedues i nr. tel.../...-..., i gjendjes së dobët ekonomike, shqiptar, shtetas i R. se Kosovës, mbrohet në liri.

ËSHTË FAJTOR

Për shkak se:

- Më parë e gjerë me dt.23.12.2021 rreth orës 18:10, në D, në lokalini e marketit "I", në mënyrë të pa autorizuar dhe në kundërshtim me nenin 5 par.1 të Ligjit për Armë (Ligji Nr.05/L-022) ka mbajtur në pronësi dhe kontroll një (1) pistoletë kalibër ...mm, vendi prodhimit B., me numër serik ..., një (1) karikator të të njëjtës armë dhe tre (3) fishek të kalibrit ... mm, e të cilat zyrtaret policor të polisë së D. ia kanë sekuestruar nga i pandehuri,

-me çka ka kryer vepër penale, mbajtja në pronësi, kontroll ose posedim të paautorizuar i të armëve, nga neni 366 par.1 të KPRK-së,

Andaj, gjykata duke u bazuar në nenin 7,38,39,40,43,69, të KPRK-së, nenit 366 par.1 dhe 366 par. 3 të KPRK-së, si dhe nenit 365 të KPPRK-së, të pandehurin e:

GJ Y K O N

Dënim me gjobë në shumë prej 400 (katërqind)euro, e të cilin dënim është i obliguar që ta paguaj në afat prej 3 muaj, pas plotfuqishmërisë së këtij aktgjykimi.

Nëse i pandehuri i lartcekur dënimin me gjobë nuk e paguan në afat të caktuar, atëherë dënimini me gjobë, gjykata do ta zëvendësoi me dënim burgu, duke llogaritur një ditë burgim për çdo 20 euro të gjobës.

I pandehuri obligohet që në emër të, shpenzimeve të paushallit gjyqësor të paguaj shumën prej 20 (njëzet) euro, në afat prej 15 ditësh, pas plotfuqishmërisë së aktgjykimit.

I pandehuri obligohet që në emër të, taksës për kompensimin e viktimave të krimtit në shumë prej 50 (pesëdhjetë) euro, në afat prej 15 ditësh, pas plotfuqishmërisë së aktgjykimit.

Të pandehurit i konfiskohet një (1) pistoletë kalibër ...mm, vendi prodhimit B., me numër serik ..., një (1) karikator të të njëjtës armë dhe tre (3) fishek të kalibrit ... mm.

A r s y e t i m

Prokuroria Themelore në Pejë-Departamenti për krime të rënda ka ngrit aktakuzë PP/I.nr.27/22, të dt. 02.02.2022, ndaj të pandehurit M.H për shkak të veprës penale mbajtje në pronësi, kontroll, apo posedim i paautorizuar i armëve nga neni 366 par.1 të KPRK-së.

Konform nenit 245 të KPP-së me dt. 15.04.2022, është mbajtur seanca e shqyrimit fillestare prezantë kane qene Prokurori i Shtetit A.G dhe i pandehuri M.H.

Gjykata konform dispozitave te nenit 246 par. 1 të KPP-së, e ka udhëzuar të pandehurin me të drejtat e tij, ku në këtë rast i pandehuri deklaron se i ka kuptuar këto të drejta dhe se për mbrojtës nuk ka nevojë.

Pas leximit të aktakuzës nga prokurori i shtetit, kryetari i trupit gjykues, pasi që është bindur se i pandehuri e ka kuptuar aktakuzën, i është dhënë mundësia të pandehurit që të deklarohet për pranimin ose mospranimin e fajësisë, duke e njofuar për rëndësinë dhe pasojat e pranimit të fajësisë.

I pandehuri, e ka pranuar fajësinë për veprën penale cila i vihet në barrë, ndihet i penduar, premton se më nuk do të përsëris vepra tjera penale.

Prokurori i shtetit është pajtuar me pranimin e fajësisë nga ana e të pandehurit nga se shihet së është i vullnetshëm dhe në përputhje me shkresat e lëndës. Ka kërkuar nga gjykata qe si rrrethanë lehtësuese ndaj te pandehurit gjykata ka merr, pranimi e fajësisë.

Kryetari i trupit gjykues, është i bindur, se pranimi i fajësisë nga ana e të pandehurit është bërë konform dispozitave të nenit 246 dhe 248 par 1 të KPP-së, pasi qe i pandehuri e kupton natyrën dhe pasojat e pranimit të fajit, pranimi i fajit mbështetet në faktet e çështjes dhe provat në të cilat edhe mbështet aktakuza siç janë: raporti i oficerit E.J dt. 23.12.2021, shënimi zyrtar policor i dt. 23.12.2021, deklarata e të pandehurit M.H e dhënë në stacionin policor në D. me dt. 23.12.2021 dhe në këtë prokurori me dt. 02.02.2022, lista e armëve të konfiskuara dhe lista e dëshmive të dt. 23.12.2021 dhe fotodokumentacioni i shkresave të lëndës, si dhe shkresat tjera të lëndës, pastaj aktakuza nuk përban asnjë shkelje të qartë ligjore, ose gabim faktik, prandaj gjykata konform nenit 248 par 4 të KPP-së ka pranuar pranimin e fajësisë nga i pandehuri.

Me provat e ofruara, si dhe pranimin e fajësisë nga ana e të pandehurit është vërtetuar gjendja faktike si në dispozitiv te aktgjykimit. Nga gjendja e vërtetuar faktike si është përshkruar në dispozitiv të aktgjykimit, pa dyshim rrjedh se në veprimet e të pandehurit M.H qëndrojnë të gjitha elementet e veprës penale mbajte në pronësi, kontroll, apo posedim i paautorizuar i armëve nga neni 366 par.1 të KPRK-së.

Gjykata nuk gjeti rrrethana që përjashtojnë ndjekjen penale apo përgjegjësinë penale të pandehurit dhe i njëjtë është penalisht përgjegjës. Sa i parket fajësisë i pandehuri është i vetëdijshëm për veprën e kryer dhe atë e ka kryer me dashje.

Duke vendosur lidhur me llojin dhe lartësinë e dënimit, gjykata i ka vlerësuar të gjitha rrrethanat lehtësuese dhe rënduese në kuptim të nenit 69 par.1 të KPRK-së. Kështu si rrrethana lehtësuese për të pandehurit, gjykata morri pranimin e fajësisë, shprehjen e pendimit për veprën e kryer, premtimin se ne te ardhmen nuk do te kryej vepra tjera penale, faktin se me pare nuk ka qene i dënuar për ndonjë vepër tjetër penale, ndërsa rrrethana rënduese ndaj të pandehurit gjykata nuk gjeti.

Sipas bindjes së gjyqtarit, dënim i shqiptuar, duke i marrë për bazë rrrethanat e përmendura më lartë, është dënim i drejtë, në harmoni me peshën e veprës penale dhe shkallën e përgjegjësisë së të pandehurit. Gjyqtari i vetëm gjykues, gjithashtu ka konstatuar se me këto dënlime mund të arrihet edhe qëllimi i dënimit, nga neni 38 i KPRK, i cili konsiston në parandalimin e të pandehurit nga kryerja e veprave penale në të ardhmen dhe të bëjë rehabilitimin e tij; të parandalojë personat e tjerë nga kryerja e veprave penale dhe të shprehë gjykimin shoqëror për veprën penale, ngritjen e moralit dhe forcimin e detyrimit për respektimin e ligjit.

Duke u bazuar ne nenin 450 par. 1 dhe 2 nën par. 2.6 të KPP-se, gjykata ka përcaktuar paushallin gjyqësor në shumë prej 20 euro, duke u bazuar ne shpenzimet qe janë shkaktuar nga fillimi i kësaj procedure e deri ne përfundimin e saj.

Konform nenit 39 par.1, 2, 3, nënpar.3.2, të ligjit për kompensimin e viktimave të krimít, e obligoi në pagesën e taksë, si në dispozitiv të këtij aktgjykimi.

Konform nenit 366 par.3 të KPRK-së konfiskohen një (1) pistoletë kalibër ...mm, vendi prodhimit B., me numër serik ..., një (1) karikator të të njëjtës armë dhe tre (3) fishek të kalibrit ... mm.

Nga arsyet e cekura më lartë konform nenit 365 të KPP-së, është vendosur si në dispozitiv të këtij aktgjykimi, ndërsa konform nenit 370 të KPP-së, gjykata përpiloj këtë aktgjykim.

NGA GJYKATA THEMELORE NË PEJË-Departamenti për krime të rënda
PKR.nr.18/22 dt. 04.05.2022.

Bashkëpunëtore profesionale

Selvane Bukleta

Kryetari i trupit gjykues

Shaqë Curri

KËSHILLË JURIDIKE:

Kundër këtij aktgjykimi është e lejuar ankesa
në afat prej 15 ditësh, nga dita e marrjes, Gjykatës
së Apelit në Prishtinë, e nëpërmjet të kësaj gjykate.